

հարացին վճարել զվէճս իւրեանց 'ի մէջ ազգին, ժամ եղին բողոքել յատեան Եպարքոսին և տնդ դատիլ: Իրրեւ յանդիման եղեն մեծի ատենին երկոքեան, հարցին ատենակալքն. Գալուստ վարդապետ յառաջեալ քան զՄինաս, սկիզբն կալաւ պատմել. այրս այս յանիրաւի յափշտակեալ յինէն զիշխանութիւն Պատրիարքութեան, եւ իրրեւ կամէր զանձն արդարացուցանել եւ վնասապարտ ցուցանել զՄինաս, աճապարեալ նորա ընդհատեաց զբանն, և յայտոնի կացոյց առաջի ատենին զբազմադիմի վնասս և զչարութիւնս նորա, զոր էտծ 'ի վերայ ազգին և վանաց Ս. Յակոբայ յառաջ բերեալ զգիրս դանկատանաց ժողովրդեան և դատաւորին երուսաղէմի, և թէ ո՞րպէս ժողովեալ ըզնուէրս ազգին, եկեր և վատնեաց 'ի կամս իւր. ընտրութեամբ և հաճութեամբ ազգին եւ հրովարտակաւ Արքային լեալ էր ինքն Պատրիարք երուսաղէմի: Գալուստ վարդապետ ոչ կարացեալ առնել պատասխանի բանից Մինաս վարդապետի՝ պարտաւորեալ եւ յատենէ անտի:

Եւ Մինաս վարդապետ վերստին խնդրեաց հրովարտակ, զի մի ոք նեղեացէ զինքն վասն բանի Պատրիարքութեան, և մնալ հաստատուն յիշխանութեանն մինչ ցվախճան իւր: Գրեցաւ հրովարտակ հրամանաւ Արքային, և առեալ զայն Մինասայ դարձ արար յերուսաղէմ յԱթոռ իւր, ՎՎՎ (1699):

Մինաս վարդապետ 'ի նախընթաց ամին (1698) երաց զարտաքին դուռն Ս. Հրեշտակապետի վանաց 'ի կողմն հիւսիսոյ և նոր շինեաց զայն. նորոգեաց զքանի մի տեղիս Ս. Փրկչի վանաց, զի զօրքն իջեալ 'ի վերուստ աւերեալ էին:

Ոմանք յայլազգեաց երուսաղէմի գնացեալ 'ի Կոստանդինուպոլիս՝ չարախօսութեամբ ամբաստան եղեն զվանօրէից քրիստոնէայ ազգաց, և առին հրովարտակ առ դատաւորն երուսաղէմի գրեալ 'ի Սէֆէր ամսոյ, ՎՎ. (1698) իրր թէ Հայք, Յոյնք և Լատինք յերուսաղէմ գնեալ իցեն առնա յայլազգեաց մերձ 'ի պարիսպ քաղաքին, զմահաւարարեալ իցեն պարտէզ եւ զայլս շինեալ նոր տունս 'ի բնակութիւն: Ապա հրամայէ քննել զայնոսիկ՝ եթէ այնպէս իցէ, որպէս ամբաստանիցին՝ քակեալ կործանեսցին: